


土岐文庫  
文庫17  
W 82  
9



吳孟舉  
自牧同選

# 宋詩鈔二集

昭和六十年二月一日贈  
王以善唐氏寄

錢氏  
古堂藏

010185188359

## 宋詩鈔二集目錄

鄭俠	西塘集
王令	廣陵集
陳師道	後山集
文同	丹淵集
米黻	襄陽集
黃庭堅	山谷集
張耒	宛丘集
晁冲之	具茨集
韓駒	陵陽集
晁補之	雞肋集
鄒浩	道鄉集

秦觀 淮海集

陳造 江湖長翁集

沈道 雲巢集

沈邁 西谿集

沈與求 龜谿集

徐積 節孝集

陳與義 簡齋集

李覲 旰江集

王炎 雙溪集

唐庚 眉山集

唐庚 眉山集

宋詩卷二集目錄

西塘詩鈔

鄭俠字介夫福清人第進士調光州司法叅軍秩滿入  
 都見安石言新法非便安石不悅使監安上門會久旱  
 俠繪門上所見流民困苦圖發馬通投銀臺進之神宗  
 覽圖嗟唏罷新法浹日大雨用事者爭置俠擅發馬通  
 之罪編管汀州改英州哲宗立放還除泉州錄事叅軍  
 元符復送英州建中靖國放還復前職崇寧監衡山廟  
 旋追毀前命勒停五年降告復將仕郎叙用俠遂不復  
 出在英時號大慶居士還鄉所存唯一拂故又號一拂  
 居士宣和元年忽夢鐵冠道士遺之詩視之乃予瞻也  
 嘆曰吾將逝矣作詩云似此平生只藉天勝如過鳥在  
 雲煙如今身畔無餘物贏得虛堂一枕眠授孫而卒年

七十九嘉定中謚曰介俠少苦學其古詩疎朴老直有  
次山東野之風不得以當行格調律之

謝太守答詩萊州

閉齋掩畫扉疎竹間風韻兀坐無所爲仰高方苦峻關關  
兩喜鵲如以捷來獻疑其喜過常精爽抑何頓謂當有嘉  
賓結駟問原憲不然親交書萬里來問訊何意二千石新  
書爛盈卷使者入衡門紅光十餘仞衣冠出蓬室再拜望  
城闔開緘列宿動芒角相輝煥捧讀未終篇欽降已三歎  
譬如涉春波渺不知涯岸又若驚雷霆但覺目眩轉誰言  
匹夫窮陋巷一簞飯篋有無價珍貴于青玉案昨者鄙俚  
辭惟求指瑕豐敢期明月珠傾寫殊不恪重重借褒譽許  
與良過分酷愛愚且直還憐貧且困惟人最難知聖哲其

猶恨自非明如日安得物無遁程孔昔中途邂逅適所願  
傾蓋畢所懷日西不知倦聖賢欣道合萬古直一瞬淒涼  
千載餘此道誰復振未聞似今日曾不拜公面顧遇過所  
親息知久彌浚重念樗散材平生慕忠順青衫百僚末言  
責固所道若其愛君心豈以爵祿辨謂宜爲民上必與同  
喜慍謂宜食君祿寧當復私狗刀斧且滿前斯誠豈磨磷  
千載幸一時岩廊拱堯舜夔臯豈無人共蘇偶未窺眷委  
一夫真聰明不無亂出令以便民動皆爲深患疲羸死飢  
凍重負遭囚絆奔逃苟自活父子潛分散以天征不義如  
以雨蘇旱簞食迎王師東征西 怨未聞百萬帥剪髮日  
持玩南取十數洞西開五六郡府庫爲一空白骨成龍斷  
大臣弄權柄生殺在顧盼威福不有歸佞邪尚何憚公忠

獲罪咎正直招訶譴幽憲鬱不伸變異以頻見陰陽爲之  
沴淫潦仍乾曠方且頌太平長歌事賡贊天子九重門深  
居拱間燕人人懷歎匿比周相引荐以俠觀此時網羅一  
何素滔滔恐皆溺心竊擬手援是以屢上章指陳幾欲遍  
初雖蒙嘉納終不離譴開棄逐來窮陬星霜兩經閨簪紳  
滿朝著大半嗟排擯誰爲憫窮禍粟帛摧餘羨誰爲念孤  
獨齒牙借餘論重傷棄逐久不敢畧自辯高堂有單親日  
久庭闈戀同時得罪人一赦皆從便惟茲尚遠斥不許歸  
寧觀擬扣闔闔門明颺紫宸殿恨無可言路勇決固所斷  
嗟嗟道云亡丈夫兒女懦勢利同險巖風雲借餘便誰非  
顧金錢誰非息達宦孳孳顧理義惻惻念寒峻如公今幾  
人百世紹休聞

觀孔義甫與謝致仕詩有感

人生足清閑天下第一福惜哉聲與利舉世方逐逐君子  
耀軒裳小人腴口腹霜雪滿頤頰領馳競心更速誰如東山  
後清風千載續仁孝實天成聰明乃幾燭弱冠揖高科聲  
華光煜煜騏驥駕夷途千里在舉足歲未再周天官先注  
應宿皇華屢更指間請分符竹端介奉高明慈仁撫笑獨  
施設妙通神歡謳道相屬一旦遽上章幡然謝羈束古人  
涖官政五十日艾服公年未五十懇請竟從欲緬彼彼與  
軻進退遺佳躅三揖就恩榮一辭託巖谷由公仕以觀其  
庶無愧慙東臯我田園負郭予室屋兒姪幾百人圖史逾  
千軸親舊旣周旋闔門更雜穆賓來酒一樽興來碁一局  
吟嘯動煙雲詩書到僮僕寧知地有仙但見人如玉乃覺

世間人爲生何局促譬如方汚垢對之獨薰沐孔公當代  
賢宜其欽愛酷慷慨出長篇情殷語重複日日動歸思浩  
浩見林麓何意蒙鄙人幸茲一觀矚當筵頓忘味如聽簫  
韶曲平生粗意氣自初得書讀每見古聖賢心常自程督  
知身是罪根每每自鉏斲如彼善稼穡去草茂嘉穀深嘉  
遠世網有若囚脫桎惟茲素艱貧事與心反覆歷官二紀  
周一紀投南隩歸時異去時聖主恩霽霽方欣到家鄉足  
覺愁慮簇高堂皓垂白甘旨不饒沃四弟兩背亡未言他  
骨肉繼又喪一弟三房等窮蹙不數姆與婢孤孀十有六  
薄業支半年一飯猶五菽蕭然夏秋際甚者日食粥人惟  
有父子恩親家室睦惟知有君臣禮義朝廷肅二者苟有  
違三靈共誅戮况茲生聖辰熙隆遇堯譽艱虞免兵革少

小遊庠塾青春被恩擢名姓粗揚暴孰非累聖德師誨而  
君牧中間更狂妄天聽常輕賈云云不少已竟致御史鞫  
所負鼎鑊輕敢意尚收錄日月忽中天湛恩我濯浴父子  
實再逢君臣亦敦復新恩胡爲報舊過云何贖父母教子  
勤羽括而礪鏃朝夕望乃成榮顯被親屬慈烏於反哺知  
以報生鞠學術不寸施猶之玉韞匱千載邁明良不能少  
負輻是生天地間曾不如草木以此望明公雲中一鴻鵠

臘月十八日呈子京

歲去如奔馬殘日寸有三姪爲當嫁女甥是未婚男叢然  
猥俗併殊非力所堪嗟予本支離塵事素不叅東林書一  
架西榻經一函如是歲月深吻舌如滕緘惟有陶淵明常  
欲共清談牀頭酒盈壺亦欲同醺酣二十一二間煩事如

掃芟期使堂下空宴笑同所耽清樽酌宜深古語交巔岩  
夜久燈熒熒金波忽東南歲宴獨優游庶幾爲不凡

示潮州吳宅三甥

大郎性純淑至寶受磨琢二郎姿秀美白璧光閃爍三郎  
神照藏宛若雛在殼五彩翔鳳翰參差見斑駁三人吾令  
甥亦嘗從吾學吳穹有顯通報應無舛錯未有祖慶厚而  
招子孫薄二親又善教曾不閑飲啄甥雖多似舅三子自  
超卓爲文要根理覽古務詳博不惟子三人萬世同矩矱  
慎勿學舅癡直指世奸惡心雖在規益世誰受忠諤立身  
旣不危青雲在挈攬

示女子

吾生鮮兒女汝次今居首柔惠少語言天性非矯揉女生

必有適二親非終守旣嫁又他州安能長相就幸然汝夫  
賢純淑真汝偶出門天其夫禮律其來久汝姑吾之妹妹姑  
夫爲汝舅事舅如事父事姑如事母三者無所闕汝則無  
大咎門內有尊親門外有親友歲時或餽助祭祀合奔走  
一一無間言乃可逃父醜治家在勤儉臨財戒多取誦經  
味其理聖心良可究卽事念慈和無但勞吻味善看育與  
蟾二子吾珠鍔汝嫁旣違鄉吾遷又遠越東去十八程西  
來二十九三四千里間吾視堂猶牖人生否與泰正若夜  
隨晝但當道無虧不媿載與覆憶昨汝初生時吾心有負  
以爲臣事君卽是子事父閨門有危難誰不在惇疚推其  
愛父心誰不得前剖幸爲男兒身許國自結綬安能冷眼  
看終不一開口封章重寸上夫豈避鼎斧南州雖譴逐萬

死蒙恩宥行行出國門  
馮吾徒步汝生未三月  
正當時  
襦乳雪片落鵝毛霜  
簷懸凍溜汝母斂汝身  
寒風裂雙肘  
驅馳僅逾時粗糲不敢吐  
殘春到貶所歲卯俄及丑  
汝時年十二稍稍近針縷  
是歲真龍躍重明登九五  
湛恩被遐荒漸漬到枯朽  
拜命走親庭便道從海浦  
既見汝姑賢汝乃吳氏婦  
我乃緣他人譴斥循其舊  
人皆念再逐道路或攢皺  
我以臣子心等視如榮授  
人生無患難憤勵亦何有  
况茲尋前道復見迎賢埃  
旬月得相聚天與幸誠厚  
君命不可緩病巴斯馳驟  
南北出靡常惟祈各寧壽  
舉足念其身行齒如白晝  
又當夙夜間警戒其君子  
神靈依正直惟仁孝是祐  
書信或往來知汝無病苦  
爲婦洎爲母皆不違人後  
定當舉家歡相慶酌大斗  
勝彼淚滂沱臨期一盃

六環助潮士鍾平仲納官輒辭贈以詩

揭陽繁富州鍾子處城閑  
怡然保清操不與世俗換  
豪家富廩庾鼠雀嫌陳爛  
鍾子無田園斗糴供哺旦  
甲第闢公門奴僮立如雁  
鍾子無使令其子供饋盟  
無妻備組紉無婢奉炊爨  
市屋十數椽屢商是隣畔  
暝陰滋蠹蝕飛屑落几案  
炎蒸鬱不通揮扇尚流汗  
絃誦不輟音學海窮瀾漫  
文章有星斗胸臆藏璀璨  
何殊盛衣冠而坐於塗炭  
下藥百十包虫腐皆逾半  
經年無人顧蛛網潛滋蔓  
苦李十數株採摘亦素幹  
此外乃一無兒女不蔽骭  
固非人所堪隨分亦侃侃  
何意官物租添輸告踰貫  
太守爲學校芹苴思樂泮  
買田垂萬年供給期無岸  
誰人不樂輸我獨無計辦  
此時私愁憂幾至方寸亂  
我身因長途脫身自投竄  
聞此



心惻然不覺潛浩歎六環聊助君驚股難廣獻聊欲分子  
憂使免頻勾喚知子謂子貧不知謂矜慢斯則朋遊愆此  
時那可斷子猶重辭讓揖拜如戰汗急取慎勿辭六環如  
六萬

再到吳子野歲寒堂

再到歲寒堂仍登歲寒閣閣上與堂前物物皆如昨鉄幹  
偃虬龍雲峰自巖窟文章有神力璧筍光彩錯主人歲寒  
翁古意何淡薄山肴具樽酒忻喜爲我酌高論寫胞懷千  
弩射鯨鱷速悟有寶龜靈通非火灼辯議恣酬答亦以資  
笑謔想翁賓去後前尚徐徐鑰萬卷羅目前舒卷良自若  
盛暑一榻風神寒一爐藥備然去與來一箇無住着我亦  
淡泊人世味聊咀嚼無種不取嘗畢竟何美惡但聞歲寒

風便覺世齷齪今茲翁如龍看彼皆尺蠖今茲翁如鴻視  
彼皆籠縛故願歲寒翁高收歲寒脚踏坐百千年看春華  
秋落無令木石心長笑人脆弱

古交行

大海有時竭此心歷不乾厚地有時圻此心無裂文持此  
以相照百鍊青銅昏用此以相惠貝壁黃金盤觀面有餘  
歡背面無間言德義以相高慶譽以相哿千古似一日萬  
里如同筵此爲金石交誰與知者論

教子孫讀書

水在盤盂中可以鑑毛髮盤盂若動搖渥田亦不察鏡在  
臺架上可以照顏面臺架若動搖眉目不可辨精神在人  
身水鏡爲擬倫身定則神凝明于鳥兔輪是以學道者要

先安其身坐欲安如山行若畏動塵目不妄動視口不妄  
談論儼然望而畏暴慢不得親淡然虛而一志慮則不分  
眼見口卽誦耳識潛自聞神焉默省記如口味甘珍一滿  
勝十遍不令人艱辛

賦公悅席上事送周如京

逢世路分疑歸洛陽有客邂逅樵溪曲高談傾蓋萬珠璣  
相對崇朝惟不足武陽太守山藺徒喜賢樂事天下無爲  
客留公駐斯須精庖饌玉歌貫珠坐中賓客皆豪傑凜凜  
清風生頰舌性情浩浩談云云不待酒味旣凜冽逡巡行  
幕如風翻二姝新出屏幃間一人捧心餘故態對客悄悄  
眉峰攢一人襜裾半雲霧仙袂應曲飄飄舉解作陽關意  
外聲舊人只把花卿數此宵嘉會世所稀席上更覽周侯  
詩彫金有格但聞說不覽新集那得知俠于周侯非甚舊  
朋友十輩識公九此公惜別事如何反覆清篇還執手龍  
韜虎畧何處藏却向吟筆呈鋒鏖堪作太平祥瑞錄將軍  
白首弄篇章

謝太守惠酒

重陰未肯避陽明飄風驟雨加震凌正月已缺二月近滴  
水成凍威稜稜帝雖乘震利發生令猶行冬重嚴疑鷲皆  
遷喬忽入谷魚已弄煖翻藏水此時草木亦成愁祗恐不  
得達其萌吁嗟羈窮影弔形安得恣然如無情明良會合  
千載遇乃以罪棄投荒荆單親萬里頭應雪不得朝晚奉  
甘馨閩嶺之南方弄兵殺氣殊與生成爭旣不能輔助聖  
時使咸若又不得慷慨帝前效昔人之請纓詩書滿腹浪

西塘詩錄  
自飽一句不得推而行身雖兀坐心惕驚愁緒忽起填膺  
膺但聽曠野深林調調刁刁如有神號鬼泣聲真江太守  
真慈明惠施每每先單笑眼前突兀雙玉瓶滿貯玉液清  
冷冷拜公之賜未敢傾不覺失笑三閭生不學憔悴思獨  
醒哺糟啜醢隨其朋往往一飲一石五斗解醒被人呼作  
生劉伶雖然遇酒而酩酊心不放醉神亦寧開樽又飲太  
守德和氣坐覺生簷楹不知凝冽自何去至于愁思皆自  
澄乃知春功亦不遠緘封祇在瓶與罌安得遠爾披重雲  
劃見白日臨青冥和氣習習扇九壤枯枝朽質爭敷榮風  
雨時泰階平聖君萬壽寰海清細草輕煙日邊路鳳管龍  
絲細可聽有耳不聞聲與鉦有目不識旗與旌聖功浩蕩  
不可名

醉翁行贈黎師醇

金峰醉翁七十九行步龍鍾面黧垢惟有滿腹奇文章日  
月爭新無老醜頰舌鏘洋言不苟咳唾成珠須信有兩眼  
如星照耀人見客偏明儼如舊問翁壯年愛碁酒邇日還  
如昔時否曰予不戰猶好看日飲常能傾一斗因持碁酒  
前就翁明日壺漿復予就朱君貧苦亦好奇接續攜持窮  
清晝城中遑遑競趨走覲面草草忘親友幾人樽俎暫從  
容笑傲松篁弄花柳寧知北郭予三人繼日相從辰到酉  
龐眉皓髮常溫然相見妙齡眉目秀惜哉才高命蹇成遺  
滯四十餘年州縣吏棄之林野混漁樵徒使知音動嗟喟  
愚聞天道高遠不容人測度無奈人能樂其樂故有鼓琴  
重圍行歌遺榼浩然克塞不以世俗瑣屑累寥廓愚觀翁

之子孫說說繩繩此其後慶為不薄世俗毋以翁老生輕  
心須知此翁頭白面黧而英心義氣天地不得而銷鑠

連州斛嶺寨井

斛嶺寨行雲際下視長江入地底汲江登嶺行三里躋攀  
峻險為艱爾將率居民幾半于度歲終年苦無水爰自慶  
曆達元符循舊安常誰擬議元符太守何公賢愛民慮事  
誠而至以為山頂流泉鮮其事吾觀古人行師動萬億所  
至豈必皆平地軍必有井井未達將渴不敢聞眾耳陰陽  
者流以水照星星之所聚泉所委行行浚鑿三日遇泉井  
成矣乃今三井如鼎趾豈特當年負瓶操縵僕僕往還之  
人為慰喜吾欲後之人知井所以起敬守前功無委圯必  
使甃砌長如今日之清泚萬萬斯年施何已故作此歌勒

諸斛嶺之市

苞苴行

苞苴來苞苴去封書裹信不得住君不見箕山之下有仁  
人室無杯器以手捧水不願風瓢挂高樹

瑞像閣同楊驥雪夜飲酒

濃雪暴寒齋寒齋豈怕哉書隨更漏盡春逐酒瓶開一酌  
留孔孟再酌招賜回酌酌入詩句同上玉樓臺

和荆公何處難忘酒詩

何處難緘口熙寧政失中四方三面戰十室九家空見佞  
眸如水聞忠耳似聾君門深萬里安得此言通

次張子京遊天王湖作

湖上遲遲不忍還談玄清徹幾重關旋嵐野馬皆歸靜遊

鳥潛魚各自閒墜果露巢秋後樹淡煙斜日晚來山吟情  
到此何終極注目紅雲紫霧間

同子忠上西樓

偶因送客上西樓共愛佳城枕海陬雁翅人家千巷陌犬  
牙商泊數汀洲風吹細雨兼秋淨雲漏疎星帶水流獨有  
單親頭早白迢迢東望不勝愁

次孟堅初冬晴和見梨桃二花作

十月南天尚暑襟幽花何怪動清吟半扉素蓋呈修徑幾  
朶天紅出茂林地借小春回暖氣日勻疎影轉輕陰惟應  
幕府多才俊不負行臺醉賞心

幽居

蕭條深巷寄門墻城郭村居事異常石展地衣三葉徑錦

園天柱十花檣幽禽隔樹鈎膠語異草搖風冷和香不覺  
冬歸與春到但知無事日偏長

煙雨樓

仙人居處卽鼇宮更作層樓峭倚空羣岫西來煙漠漠大  
江南去雨濛濛花鑣柳策厖怡裏耘笠漁蓑笑語中別有  
夜楹千里月凭欄清興與誰同

示潮州妹子

八人兄弟三人在獨立他州信汝賢直使無情如槁木忍  
看垂淚念南遷從今依舊歌泉水何物偏宜寄謫仙美酒  
年年須百甕好從南海便乘船

和子京霜字見寄

秋深園圃雖無雨晚歲頭鬚自有霜身事無功且人事酒

西塘詩鈔 十一  
囊餘地乃書囊寒鴉嘯侶鳴喬木粉蝶成圍過矮墻對此  
每思良友伴幸時來訪浣愁腸

次韻知郡登高言懷

莫向天涯說故鄉人身不似雁隨陽黃花滿手空佳節千  
里有懷如寸腸爲許功名酬聖代不須愁緒付瑤觴男兒  
不是閨中物生則桑弧射四方

次韻張老見贈

烏鴟螻蟻有君臣此義如何易世塵欲爲無窮宗社計宜  
憂如幻歿生身八千江上奔馳路十二天南黯淡春歸到  
親闈捧杯酒始知終是福唐人

觀碁

三百六十路通精此有門數奇藏日月機發動乾坤對面  
知爲敵渾輸却有翻詐貪常易喪仁守乃長存隻子如輕  
用全功更莫論就令投險勝寧抵被圍奔縱得四方盡寧  
同一腹尊傍觀饒好着當局奈嗔言慙媿中孚信幾危大  
壯藩坐觀成敗者安得不驚魂

出御史臺

萬險千艱六出身如今也得避囂塵須知從此寒原上有  
箇行歌拾穗人

道中見以索牽五六十人監理錢者

可憐平地不生錢稚老累累被索連困苦新圖誰畫此祇  
愁中禁又無眠

廣陵詩鈔

十九

王令字逢原廣陵人也年十數歲與里人滿執中爲友  
偉節高行特立于時王安石赴召道由淮南令賦南山  
之田詩往見之安石大喜期其材可與其功業于天下  
因妻以其夫人之女弟年二十八而卒令詩學韓孟而  
識度高安石所及不第以瓌奇也措限於年耳

寒林石屏

號山之遠數千里號石之重難將持舟車號來每苦重釜  
益尚棄不官攜苟非世尚且奇怪孰有甚遠載以來何況  
號人自珍秘得一不換千瓊瑰流傳中州盛稱尚主以詫  
客客見祈世人賤真珍貴假見者喜色留膚皮強材美幹  
立修蔭羅列滿野誰復窺我嘗客坐例一見實亦可愛小

且奇初疑秋波瑩明淨魚子變怪成蛟螭鱗鬚爪角尚小  
碎但見蜿蜒相參差又如開張一尺素醉筆倒畫胡髯鬚  
如何石上非自然猶是軟弱從風枝高樓曉憑秋色老煙  
容雨氣相蒙垂喬林隱約出天際醉目遠矚分茫微不然  
誰家老圖畫破碎偶此一片遺借令人手弄點畫尚恐巧  
拙成瑕疵如何石理自生長安得當世無猜疑高堆黃金  
募辨說萬口利銳如磨錐或云南山產巨怪意欲手把乾  
坤移先偷日月送巖底次取草木陰栽培天公怒恐寢成  
就六丁挑斧摩雲揮世人乘此得分裂鍛琢片段賡財資  
至今風雨號山夜樹石號作神鬼悲又云春氣入山骨欲  
自石裏生蒿藜根株芽枿未及出卒遇匠手相鑿隳多稱  
老松已變石此固剪裁根鬚離又云鬼手亦能畫多向石  
室成屏帷固知物怪浩難盡誰能向此明是非城狐老能  
男女變海蜃口或樓臺吹世間自是有此類何必詰曲窮  
所歸細思此屏竟無用石不中磧木莫一作不支徒將文理  
有小異招聚瞽說成籠欺咄哉閉口不復論爲語愛者無  
我譏

贈慎東美伯筠

世網掛士如蛛絲大不及取小綴之宜乎倜儻不低斂醉  
脚倒踏青雲歸前日才能始誰播一口驚張萬誇和雷公  
訴帝喘似吹一作乞盛恐聲名塞天破文章喜以怪自娛  
不宥裁縮要有餘多爲峭句不姿媚天骨老硬無皮膚人  
傳書染莫對當破卵驚出鸞鳳翔開或老筆不宥屈鐵索  
縛急蛟龍僵少年倚氣狂不羈虎脅插翼赤日飛欲將獨



立跨萬世笑謂李白為癡一作兒四天無壁纔可家醉膽  
憤癢遣酒拏欲偷北斗酌竭海力拔太華壓鯨牙世儒口  
軟聲如蠅好于壯士為忌憎我獨久仰願得見浩歌不敢  
兒女聲

寄題韓丞相定州閱古堂

始聞定作閱古堂又聞定有閱古詩揚之遠定五千里思  
得兩翅擘以飛偶聞人來說堂事初敞兩壁無塵疵間時  
公來命繪匠親以玉指交畫揮教令某載若某狀匠拜奉  
命唯不辭左圖守相父母吏右狀將帥熊羆姿長冠戎戎  
偉笏佩鬪以玄白為裳衣屹如丁寧立以議遜若避讓行  
而隨圖成嚴毅色可讐過吏不敢竊目窺仍令大筆署行  
事寫出黑膽朱肝脾死者有靈如不泯合有英氣來附茲

故公之謀不知出宜有神鬼

一作物

陰助奇苾苾九泉謂已

朽豈意一旦存形儀請留中壁素莫繪待千歲後公以歸  
當搜國匠第一手狀寫公像存依稀要知文完武純備遺  
與萬世瞻思資我知觀者足墮淚不復峴首羊公碑又聞  
當世大手筆磊砢詩句相撐支手搏蛟龍拔獬角爪擘虎  
豹全脫皮鄆州溪堂遂寂寞韓詩塵蔽人不吹想應從此  
傳萬世粹玉貫串珠縈繫小戎何為尚縮伏久滯公斧血  
不滋何時功成事業就兩手一掃清三垂一作歸來天子  
喜以領泰階輝煥平無缺次招當世草茅士各使呈露心  
腹披締裾聯纓上廊廟留與後世圖為師然後回謝閱古  
堂彼合異代今一時

龍興雙樹

春城花草窮朱殷俗兒趁走脚欲穿閑來無惊喜自適時  
到雙樹爲奇觀莊如天官植幢蓋毅若壯士蒼衣冠老枝  
叉牙忽並出似欲併力擎青天靈根深盤不可究疑與地  
軸相拘攣不知培栽竟誰手而又始植爲何年行捫步遠  
不可問但見茂色連雲煙東風牽人少游此佛屋日日重  
門闕雖有大蔭人不及于此尤得志士憐東蒿爲楹樗爲  
柱居者略不憂其顛廼令遺材抱美植不得總載桷與椽  
高堂傾欹未支柱匠者日亦經其邊不思大幹有強用反  
以斧鈍難其堅吁哉誰是愛材者定知惜此雙樹篇

原蝗

蝗生於一作滿野誰所爲秋一母死遺百兒埋藏地下不腐  
蝦疑有鬼黨相收一作扶持寒禽冬饑啄地食拾掇穀種無

餘遺吻雖掠卵不加破意似留與人爲饑去年冬溫臘雪  
少土脈不凍無冰斯春氣蒸炊出地面戢戢密若在釜糜  
老農頑愚不識事小不撲滅大莫追遂令相聚成氣勢來  
若大水無垠涯蓬蒿滿眼幸無用爾縱嚼盡誰爾譏而何  
存留不咀嚼反向禾黍加傷夷鴟啄銜各取飽充實腸  
腹如撐支兒童跳躍仰面笑却愛甚密嫌疎稀吾思萬物  
造作始一一盡可天理推四其行蹄翼不假上一作戴既載  
角齒乃虧夫何此獨出羣類既使跳躍仍令飛麒麟千載  
或一作始一見仁足不忍踏草萎鳳凰偶出卽爲瑞亦曰竹  
食梧桐棲彼何甚少此何衆况又口腹害不訾遂令思慮  
不可及萬目仰面號天私天公被誣莫自辨慘慘白日陰  
無輝而余昏狂不自度欲盡物理窮毫絲要祛衆惑運獨

見中夜力為窮所思始知在人不在天譬之蚤虱生衾衣  
捫搜撥捉要歸盡是豈人者尚好之然而身常不絕種豈  
此垢舊招致斯魚枯生蟲肉腐蠹理有常爾夫何疑誰為  
憂國太息者應喜我有原蝗詩

題滿氏申申亭

申申亭者名自誰河東丈人身銘一作名之方其作亭自休  
息固欲申暢名其題雖然自奉頗優樂豈敢兼忽當世為  
若曰所憂非所及因以遜世無悶辭丈人疎高喜自適去  
不限約來無時門無賓僚車馬絕室有几杖衣冠一作冠欵  
夜徑行招海月伴晝榻坐與天雲期春林暄和鳥聲好勝  
聽俗論相啞一作啞塵埃縱爾得風力卒不到此徒自飛  
亭前朱朱有冶態亭下白白無俗姿好木留存竟見實惡

草鋤拔無容茨嘗聞景勝未易敵須有大句相參差故吾  
經年不敢往日望詩老力可支偶來為游適已晚花稍尚  
有春餘遺高哦遶樹惜時節拾嚼紅片行透遲回看北林  
竹萬箇寒氣一作翠欲起凌人威清風時來助氣勢塞甲夜  
聚言語私方將投閑日來此脚踏樹下成交蹊無端塵土  
又為隔明日跨馬西北馳心思夢好定頻到不必直俟歸  
風吹

聞太學議

白日流上天牛蝨無遁形萬目盡為用而不駭日明穴鼠  
夜值螢嗾嗾相聚驚鼠穴不日通鼠足不日行已矣不日  
識迺此螢燭矜鮪蝦陷井坎莫與江海爭籬禽不天飛詎  
識雲漢冥咄哉浮薄兒勉為高大營

贈別晏成績懋父太祝

懋甫相門兒家世香纓統早年綴官簿青衫蔚於莢本宜  
多驕矜不謂銳義敢意貪英雄交一手欲四攬偶來濫予  
會臂擲首已領酒樽誇胸襟頂踵都一膽壯心羞摧藏義  
肉喜菹歎要言相死從一作死顧豈苟難斬聽其自陳論  
峭拔不平漸要之當一切固合不黜黯一作黜憶余少年時  
亦自喜黠濶于今老而悔壯意日凋減惜夫相遇遲君放  
我已檢驟聞強大語若虎餓得啗已無相高心徒有志氣  
感春風吹天昏醉目晚愁懸念當相別去兩懷不無慘何  
時重來過慰我涸轍險惟其去後猶一飽復歎幸因西  
南風時作寄我槩

夢蝗

至和改元之一年有蝗不知自何來朝飛蔽天不見日若  
以萬布篩塵灰暮行嚙地赤千頃積疊數尺交相埋樹皮  
竹顛盡剝結况又草穀之根芟一蝗百兒月再孕漸恐高  
厚塞九垓嘉禾美草不敢惜却恐壓地陷入海萬生未死  
饑餓間支骸遂轉蛟龍醢羣農聚哭天血滴地爛皮蒼蒼  
冥冥遠復遠天聞不聞不可知我時爲之悲墮淚注兩目  
發爲疾蝗詩憤掃百筆秃一吟盡大白日昏兩誦九原萬  
鬼哭私心直冀天耳聞半夜起立三千讀上天未聞間忽  
作遇蝗夢夢蝗千萬來我前口似嚙嚼色似窺初時吻角  
猶唧噥終遂大論如人然問我子何愚乃有疾我詩我爾  
各生不相預子何詩我盍陳之我時憤且驚噪舌生條枝  
謂此腐穢餘敢來爲人譏爾雖族黨多我謀久已就方將

新天公借我巨靈手盡拔東南竹桓松屈鐵纏縛都為帚  
掃爾納海壓以山使爾萬噍同一朽尚敢託人言議我詩  
可否羣蝗顧我嗟不謂相望多我欲為子言幸子未易收  
我雖身為蝗心頗通爾人爾人相招呼飲啜為主賓賓飲  
啜嚼百豆爵主不加詬翻歡欣此竟果有否子盍來我陳  
子應之曰然此固人間禮儻介迎召來飲食固可喜蝗曰  
子言然予食何愧哉我豈能自生人自召我來啜食借使  
我過甚從而加詬爾亦乖嘗聞爾人中貴賤等第殊雍雍  
材能官雅雅仁義儒脫剝虎豹皮假借堯舜趨齒牙隱針  
錐腹腸包蟲蛆開口有福威願指轉賞誅四海應呼吸千  
里隨卷舒割剝赤子身飲血肥皮膚噬啖善人黨嚼口不  
宜吐連牀列筴筌別屋閑嬪姝一身萬椽家一口千倉儲

兒童襲公卿奴婢聯簪裾犬豕羨膏粱馬鹿餘繡塗其次

爾人間兵阜倡優徒一作兵倡子不父而父妻不夫而夫

臣不君爾事民不家爾居目不識牛桑手不親犁鋤平時

不把兵皮革包予及開口坐待食萬廩傾所須家世不藏

機繪繡絲一作繡衣襦高堂傾美酒鸞肉膾百魚良材琢

梓楠重屋擎空虛貧者無室廬父子一席居賤者餓無食

妻子相對吁貴賤雖云異其類同一初此固人食人爾責

反捨且我類蝗自名所食况有餘吳饑可食越齊饑食魯

邾吾害尚可逃爾害死不除而作疾我詩子言得無迂

寄滿執中子權

吾愛子權詩苦嚼味不盡窮思欲名狀百比無一近初如  
貪追兵屢請忽許進旗旄交叉幢戟劔後先刃方爭奮拏

先忽覩斬亂狗徐驅得平郊萬甲合一陣偏禪走起頗中  
堅坐吳臚賊呀鬪志酣髯窮敵初前軍奔交兵後馬走  
斷紉須臾聲金休萬噪快一雉羣降挑戈矛叩拜乞用纛  
蒼黃請命間竊視不敢瞬玄雲壓空虛半夜暴霆震聒耳  
起欲掩驚仆失肝腎壯者固已然况余乃齟齬及其久詳  
味欲吐復自悵有如羅百珍次第嚼嚼順貪豐不辭多愛  
美忘餘餒故其留人口雖久咽喉潤何時匹馬來一作畏  
愛氣兩振唯其未合間如不獲謝蘭望風爲此詩顛倒猶  
合燼

再寄滿子權二首

秋近啼哀蟲君思云奈何我愚得君思合少君賢勞我心  
則多非獨辭源長瀉海爲江河平生未始有點缺玉日拂

拭金燒磨尋常龜與狸見一足已蹉又况一地卧三虎狗  
彘雖勇何敢過揚州我何思青山無一螺午市不畜寶米  
鹽纔如宅而吾三夫子一身各丘軻瓊林自生寒結霧成  
水柯文章日組緯玉機飛金梭誰有真珠繩結何張麟羅  
拔爲當世祥聲爲太廟歌我願參衆民手足搖婆娑

有錢莫買金多買江東紙江東紙白如春雲獨君詩筆宜

相親綴聯卷大十牛腹要盡寄我無寄人我將攜之東一作  
攜之東脚踏海水洗齒脣轉來清澈飲百斛蕩滌腸肺無

纖塵嘗聞泰山高高處天爲鄰借如無梯不得上亦欲大  
叫呼天神鋪陳君所詩譟口雷鼓振世多俗耳既莫告當  
冀上帝依稀聞正聲定不感凡類舞躍百鳳千龍麟安能  
學俗兒一卷不復伸天公聞否尚未快一作安得鐵翼穿

秋旻

答東微之索詩

世味久已諳多惡竟少好惟詩素所嗜決切欲濼造人安  
 已不休衆耻我獨冒有如獺行跡欲改復自蹈肝腸困搜  
 尋吻舌倦搏造心靈無餘多為此日有耗已勤尚無成既  
 苦每自勞自笑如秋蟬饑極不止噪努力排韓門屈拜媚  
 孟竈惟此二公才百牛飽懷抱我如餓旁一作者眈眈不  
 得犒不知去幾多窮行竟未到無門隔藩籬發罅窺堂奧  
 愛之不可入抵觸發狂譟借使苟有成不知竟何要孤名  
 非所求弊俗詎足傲况乃非所及窮海未為浩不知何時  
 休定訖死與耄因疑今世人恐有我同標微之才超高竿  
 幢出標纛為學尚淹蘊富彙不肖暴文章內朱豹外襲一

以皂大論尤堅強推舟出行弄珉硃不施功徑欲制珪瑁  
 幸此不我陋教誨日陳告昨因語及詩請我使自道屢謝  
 不得命迫窄遂顛倒被堅誘羸兵伏銳待穿盜取勝雖必  
 然窘窮亦堪悼勉為瓦礫投幸有金珠一作珠玉報

寄滿居中衡父

前會去莫追後見來無期別嘆後見難悔恨前會稀惟吾  
 衡父兄一作友金純玉光輝裁磨殺圭角不與瓦礫齊大匠  
 陶百空不問履下泥一衡舉千鈞何棄毫與釐余獨胡為  
 人乃不忍使遺有如橫道莠萬足踏不疑子何嗜好殊獨  
 俯掇一作拾以歸整束使不茨欲令雜蘭芝蘭芝有天香莠  
 賤雜則非然其厠置間適與薰染資文章每借觀罅隙窺  
 晴曦議論使坐聽穴贖聞英池春園或承招遊騎亦許隨

劇雲愛風枝藝火圍夜碁縱談心一作開張倒笑冠欹披  
匹馬載以來東首頸脰疲夜夢不厭勞百里夕一馳想見  
目與眉百障千藩籬不虞自投置遂若鳥遭羈何時獲因  
緣連箠促馬蹄誓當盡晨昏不復起退辭

謝李常伯

人從東南來忽得連紙詩行義不赫曄名聲無萎蕤雖常  
誤見辱旋則拜席歸別久謂已忘不圖猶記之長封大書  
字顧我已忸怩開滕把之讀推與果失宜剝虎蒙羊猪借  
使出類奇見豺先自奔遇豢還羣隨是故古之人爲已賤  
若斯有聞未之行季路恐不嬉名浮過所實軻也耻以非  
今而承所賜廼此亦可噫賢者寧過哉當是我有欺忍愧  
讀終篇喜驚改肝脾噤噤誨教言舉舉仁義辭初令探本

根喻以海與池乾坤老六經遺編爛孔姬尚恐惑異說教  
之無遷移強聞終日乾仁不三月違卒以二者終要我勉  
不疑百誦百再拜下淚如掛縻交朋百愚諛此語聞之誰  
憶初從粹翁睡耳忽得提震驚破百昏寐覺悼前迷今而  
去之久茅塞心叢茨驟承夫子言快斧加芟蕘舊穢忽剗  
銷新涂坦平夷念當不捨去戴服同冠衣猶恐免袒間復  
作須臾離且將鑿之心不止涅之皮二者苟一能終始庶  
不遺平生苦嗜詩此篇况驟馳喁唔夜不休齧嚼午忘饑  
仰嗟天骨雄俯嘆人莫爲星明有常高日圓無食虧讀久  
口益饑舌軟涎流垂想當措意初嚼雲吐虹蜺唇牙哆華  
鮮肺腸漏光輝故其紙上言飄有霄漢姿何可對酬謝約  
海量珠璣



對月憶滿子權

長風掠海來吹月散百鍊一作白鍊青天豁四壁雲靄不容線

窗軒颯先秋露氣入簾扇寬一作空庭生夜涼蚊口不得擅

人靜暮客去坐偃適自便清牽睡思醒明發醉膽健披風

睨白月瞪視不為眩未甘景獨勝思出大句銜狂搜得無

奇猛吐復自吮篇成若奴婢氣骨終凡賤置棄不復收嘆

感退自旋起探君寄詩兀坐諷百遍駭哉劇雄勁百札洞

一箭間逢騁新奇春雲弄晴霞古意終重厚九鼎掛一鉉

吾嘗笑夫人語富則自願及嬰愛君念始自信惓惓閱女

當求嬌慕士在護彥鄙哉尋常者何用目識徧得逢誠幸

多既別遂堪嗔乖離時况久會合卜未先思之不可見飛

魂不身戀秋城崔嵬高圍我屹若圈安得擘風翅飛出不

自殿巧為相見謀反覆竟未善惟當遠相要共借月為面

相離苟同天舉目亦兩見又况相去間纔止百里縣不知

竟可否寄詩代請勸

八檜圖

客有要我八檜吟手攜八檜圖來懸掛張滿壁揚可駭眇

顧左右同嗟嘆旁摹石刻署名狀各有憑附相黃緣或高

相扶互倚礙或斷欲蹙猶支顛強枝拗回信有力高幹復

俯蛟蚪拳尋根及株逮條葉例不拔直皆旁偏雷疲風休

雲雨去蛇龍鬪成猶鈎纏安分爪角一作牙與尾鬣徒見上

下相蜿蜒不知生時竟何謂畧不叅類常木然宜乎今古

惑昧者搖擺舌吻歸之仙一尤盤拳老高大傳云一作目聘

老由飛躑當時駕鹿躑以上跡有町疇遺相連多應竭殘

鳥喙啄不爾誕者強鑿鑿聘能惑人已自幸豈此上去能  
欺天借如聘功可升躍鹿亦何幸飛相聯于中一本特甚  
異膚革逆理紐左旋傳云聘手所自樹我知此語定鑿穿  
苟令實為聘老植推以天意猶可言當年曷不紐以右若  
曰世為左道牽如何衆輒不省究反重神怪令聘專乾坤  
中含萬品彙此獨自異誰令旃一作殊陶甄窮思竟慮莫可索  
欲世不惑誰能奉仙書虛荒喜誕妄推說事理尤綿延世  
人一讀卽化變日望飛奮相迷癩豈非此木久樹此浸漬  
亦為異說遷故其形植與生灰時以異怪招驚憐先時世  
不早斤斧放其老大訛誇傳當年同生好材幹半以直伐  
成燒燃憑妖附誕相樹立卒自灰活終完全葉枝凋疎不  
有蔭材直弗柱曲莫輟不知留存護養者竟以何理惜不

捐我有尺鐵大剛利久已鑄斧磨山巔卒無柯柄尚棄置  
懶乞月桂求嬋娟

秋夜

秋夕不自曉百蟲齊一鳴時節適使然鼓脅亦有聲爭喧  
鼠公盜悉窳虵陰行獨有東家雞苦心為昏明

答東孝先

純金出鎔爐烜赫掩熾火錦成洗春江衆目眩莫奈魚鹽  
物誠微誤用幸不宛君家兄弟賢我見始驚夥文章露光  
凶藏蘊包叢脞關門當自足何暇更待我固知仁人心姑  
欲恤窮餓苟論才不才自合棄如唾憶昨西來初戚惕待  
客坐交持駕說口張闔不可鑠間發辨經義鐵舌莫摩挫  
高文忽下授白日駭天墮眩怖欲前掩布帛不可褻初觀

固宜驚獨獲亦堪賀又如遇貴人繡錦飾婀娜回眸忽自  
鑑惡面復窺裸屈降心已甘嘆憤志亦頗雄高豈復爭愛  
恤亦加荷大詩又一作忽來及推與太浮過自無賢可稱以  
是惡甚播譬如享庭人豆食止則可苟強擔石負蹉跌適  
足禍何以論報心結草效鬼一作類

寄洪與權

與權江南來適自滿門會初無合我志纔以客面待時時  
相鈞探稍稍互酬對根源豁波張扁鑄失分解君然領還  
嗟我恐敬若戴相逢時既多相待兩交快予初請子交子  
曰何可外中又謝不德卒曰吾而愛既而第以年子合我  
兄拜揚雖士云多往往事冠帶中間滿夫子崛起百萬最  
更以子從之而吾米則稗朋從偶許攀會合日與在春晨  
巧誇招月夕因論話書狂逸飛蛇碁毒甚含蠱相謀務奇  
勝聚口笑拙敗貪驩不知久歲律忽移再余饑奔先西餓  
色面留菜子待去亦思書以問我奈別來君何如思子我  
心癩朋分無舊歡世險有新態高言足瑕疵俗學牽細碎  
貧知身責重病覺學力怠壯心已無多况去日有退預期  
後相見頑陋徒老大好勤寄余書思子百憂萃

寄浦子權

子權今謂何久不治簡書子素賜我多豈以此遂疎予亦  
如常時病與貧相俱冉冉草沒階客脚不踏廬貴者事名  
位崖岸誇懸殊賢者縱官來顧我欲取無惟餘齷齪徒吾  
亦羞與居潭潭一室空編帙環三隅暴陽不憂償偷飽幸  
未誅且可延朝昏憂思老頑愚獨有思子懷涕下時喑鳴

冬陰寄滿子權

玄雲載雨惜不下北風吹急冰相黏周遮覆蓋不通透  
 結已厚難披燭微陽未復老陰壯記去暖律時猶淹青天  
 何可一日失漸恐此去無由瞻日馭自懼不得脫略出急  
 入地下潛憑陰託寒恣凌爍風伯得意一作志欣沾沾但幸  
 天公不省悟誰顧下地人嗟讒隔絕霜露曠不下帝有潤  
 澤何由霑非惟勾芽凍天折亦恐萬類由茲殲九龍銜火  
 互相暖稱有日職借不甘羣兒銳奮不量度欲仰吐氣吁  
 以炎惟有壯士抱劍卧思得美酒聊自酣

弱弱誰氏子

弱弱誰氏子鮮鮮一何姝來奔富人家妻與富人俱一作居  
 嚴一作華粧問夫子我豈彼室如夫子笑遣之彼寧與汝都

升堂一作褰裳由昨階德色溢以舒親賓不敢笑退語相噉吁  
 高堂聚羣婢唯諾相咨睢家事忽不圖顧指取自如朝令  
 折桂薪暮遣藩籬除風雨半夜來百釁生不虞屋壓盜隨  
 至夫死別嫁夫東鄰有淑子性一作恬不事鈔朱端居待人  
 求正色不願諛清鏡見一作照白髮行媒不顧問不知愛妻  
 人取捨何異歟

答黃藪富道

角角適時足力走猶或遲從而逮人不若坐視之而予  
 始用此已無先人思間自念斯世固亦未易為以其得而  
 慚曷若退自宜老身可孔顏餓死猶夷齊予心最樂此尤  
 喜用自持豈將六尺軀賤易五穀皮但無百畝田得一作可  
 抱剛氣歸年來事窮蹙露暴無自依姊寡不能嫁一作無家

得作不兒孤牽我啼平生事文字無路活寒饑勉從進士科  
束若縛襁兒時時忽自笑一作笑往往窮加悲一作悲有  
如高飛鳥中路饑自低銳知從食來不一作意身投繯神  
龍拏白日挾雨萬里飛使其口有銜安得無馴隨雖然平  
生志固未忍散遺間時自開縱哦吟助噓噓纔將舒已私  
豈敢偷人知黃君道德者術業何煩煩手提九黃鐘旁取  
折籥吹縣知失氣類誤以倡和期不知里社歌不可郊廟  
施况余衰病餘有氣亦已卑加之困俗學羝角方牽羸陳  
詩盡自道幸子憐無疵一作

春風

春風東來暖如噓過拂我面撩我裾不知我心老有異亦  
欲調我兒女如庭前花枝笑自愛風裏草力更相扶旁林  
曲樹足飛鳥不聞燕雀鳴鴛鴦鳥求雌要雄各有意豈但鬪  
競爭春呼春巢成多夏卵衆明年計此更有餘非唯喧呼  
亂人耳漸恐巢穴妨人居收殘射中豈無道我亦力可彎  
長弧林深枝曲矢不入况弓待借家所無行吁坐眄不可  
奈安得靜默投身俱

哭詩六章

死者徒已歎思之恨無涯生者非素心還作死者嗟今古  
悲略同斯道竟奈何哀絃直易絕哭詞曲難歌  
朝哭聲吁吁暮哭聲轉無聲無血隨盡安得目不枯目枯  
不足嘆無目心自安目存多所見不若無目完  
切切切切切淚盡琴絃絕憤氣吐不出內作心肝熱朝漿  
渴不勝莫潦濁不清何以慰我懷安得滄海水

哭莫傷滄海淚落長海流流深風濤多駕蕩覆我舟不若  
灑春草荆榛蕪蔓莖怨氣觸草死猶得香蘭生  
朝歌憂思多暮歌無奈何偶嘆氣亦絕未慟血先沱淚落  
入口少不如出眼多安得堂堂軀不爲瘠且瘥  
目雖淚所出由來心乃源白日睽我面意欲乾洗瀾而不  
照我心我淚何由乾况在重雲遮使我何自安

張巡

祿兒射火燒九天鬼手不撲神聽旃羣庸仰口不官噓反  
出長喙噓之燃睢陽城窮縮死鼈危繫一髮懸九淵巡瞋  
睨遠兩背拆怒嚼齒碎鬚張肩恨身不毛劒無翼不能飛  
去殘賊嚙翁軀腥刀子磔俎日嚼肉血猶經年霽雲東攘  
兩臂去西來才有九指還胸中憤氣吐不散去隨箭入浮  
屠塼忠窮智索莫自効更戀愛妾嘗饑延我疑沒日賊不  
食恐其肉醜死不痊又疑身骨不化土定作金鐵埋重泉  
何時山移陵谷變發出鼓鑄戈或鋌吾如得之願有用不  
誅已然誅未然

贈李定資談

涉川固有道造舟不如梁曾聞水覆舟不聞死乘扛奈何  
揭厲子先先勇褰裳豈盡水害人固亦謀非臧

鳳雖謂靈畜無竹或一作終死饑竹今無方無鳳來亦云一作

射期何時使之羣隨作鴟鴞饑飽爲止飛非惟失所靈亦與彈

坦坦誰之田施施緡且弋烏來玩其機鵲至喜其食長鴻  
飛冥冥志與萬里極豈無啄飲心寧饑不人得

湍激日蹙蹙風稜勢漫漫奈何舟上人試死才一間苟不  
以利涉安坐思誠艱客雖懼謀梁而木嗟在山

古廟

古廟隆隆敞庭扉風雨剝壁頽柱榱我來安知神所依穹  
堂窳宰風幡旂神君麗軀突鬚眉視我睨坐倨箕惕磔  
觀者駭不怡羣鬼後先張福威直東之廂步逶迤目益所  
見怪可噉馬牛羊犬雜豕雜或戴以首殉四支間有人面  
身亦非老祝趨前爲衆詞口吻囁嚅言嗚咿稱別狀類顧  
東西唱號名字分何誰空虛冥漠非所期豈亦以此爲人  
尸視其膚革已彪狸寧有中反恬肝脾又有械噐身挈持  
傳言厲疫此乃資古之日行歷虛危猶恐盛陰鬼所隨磔  
儼于門驅使馳今安取此廟以祠不念延虐殆疋羸農凶

年多苦餓饑苟幸得飽不擇祈來則拜叩盡敬祇幸天之  
澤偷自歸民德且恐報之時餽肴豐鮮牲魚肥欲奠以獻  
更濯卮進謝千語拜百低工鼓于庭巫舞衣祝傳神醉下  
福禧農謝神去祝徹之庭前剪割棄餘遺鵲烏下爭趨不  
飛回顧神面如故時意者不爲祭謝移嗚呼神固一作非  
吾知

雜詩

方春不種蘭終歲無自佩良田弗加芟徒穉亦無歲空令  
雨露恩日夕被蒿艾安坐饑怨天此理果誰在  
一日不爲田百草已有根况復閑三時其穢何待論豈不  
有錢鑄徒羞慵借勤歲晚憂不耕何獨議耒耜  
穆穆晚春樹上下聚百蟲不有口似蠶則生尾如蜂設不

二者然亦徒生無庸清陰不可居晚歲還秋風

答問詩十二篇寄呈子權有序

今既愛盧仝蕭宅二三子之詩而猶恨其發之輕也然忘其効而更重之則得矣逮子權之起予予實慕之輒爲十二篇其題亦不易子權所謂東野諸子答問者予獨廣之爾其水車之篇獨異于子權然特其文則然吾知子權與吾與它知詩者謂爲異也

罇問耒

金堅雖不磨木曲亦已揉幸蒙主人用反要主隨走適從慵耕兒雖功不見取良田常無收何塞不耕咎

耒答罇三首

我用常在金任金適由木苟得金爲用何惜木微曲幸得主人隨不恤汗行犢必求隨主人我用誠不足我用于主人良田無虛種主人不我以我適爲無用不知主人饑卒歲安自奉由來我求人孰與求我重我必爲人用不必用于人若也責不耕君其問諸田

耒問罇

一畦失之荒爾力亦可耨天下方漫蕪爾功亦何有

罇答耒

天下方漫蕪顧我適有庸使其已除脩我將何以功我豈大無効自是用我慵

耒問芥

子芥誰爾爲黑白太分別朝伐一樗成暮伐千樗蕪爾終不自謀幾日不缺折



芥答表

大樗吾猶伐小樗何畏藥吾缺猶俟磨爾折將奈何

水車問龍

來何必召雲去何必飛天我名不為龍何能雨爾田

龍答水車

神龍謝子車子能未足多上潤雖已然下竭將奈何

水車謝龍

水車謝神龍下竭固無奈早則我為用爾龍尚何謂

龍謝水車

神龍謝水車吾語爾來前爾雖用于人我亦用于天在物固不同于用豈殊然水下高田乾爾能俯水取假人不爾用爾售田責否吾雖身為龍動亦天所主天猶不有命我

安事為雨

中夜

晝日苦卒卒忽焉不加思長夜漫不眠起復日所為所為浩多愧不與初心期虛云聖賢學實從庸俗歸雖耻猶奈何長歌涕垂頤

書懷寄萸任道滿子權

西風吹雲空晴日露高曬駑馬無速騁歸客思遠屆長林  
剝霜紅遠水漾寒派露蟲悲白一作咽風菊老尤介昔予  
來方春焰焰樹生態今歸亦未幾馬踏落葉壞時物固有  
然盛衰信難概吁嗟為生勞黽勉計無奈伊余有遐致久  
此目俗械嘗思擺絕去自放出世外高懷樂天寬遠目斥  
人礙有田足晨昏有圃具菹菜父母不待養妻子固易賴

世孰得丘山亦孰失蒂芥人自能輕重吾將守所愛六經  
老誠明萬古孰成敗得時爲醯鹽滋味和鼎鼐失猶有萬  
世令名自沽賣自視久已明決不俟謀蔡寄詩侑子觴期  
子和而再

令既有高郵之行而東孝先兄弟索余詩云

擾擾利學者久不可與謀讀書乃何爲老不知軻丘弗恤  
義所在務期高爵收嘗聞失則嗟不聞得之羞知誰洪其  
源使世乘其流于今已汗漫更久將溯游嘗聞古人言饗  
餐爲其鬼謂惡豈必多偷飽德弗脩不知自思者捨此何  
所由故予早知懼誓將異人求寧爲寒餓嗟不同富貴謳  
此行况有獲師德高前修因嘗請子行勉子無逗留子吾  
乃何有同病不獨瘳雖愛謂子然尚疑子終不惜子有高  
材竿幢揭華旒苟能自擺去不爲世學囚行將見遠到強  
弩射弱菽何必請予詩自合治子輶

酬東丈貺詩兼叙所懷

白日立中路犬去不形相夜以盜自來何敢怨犬傷主人  
忽加念謝怒犬無良盜子諛伏前有言願加詳見賜固已  
多怒犬誠未減

卜居

吾求一屋逮兩月貧不謀貴何以圖榻來自放就窮巷幸  
得之喜何敢吁頽簷斷柱不相締瓦墮散地梁架虛門無  
藩闌戶不閉時時犬窺入自居主人憐我莫自致爲我補  
葺加墜塗翻翻匠氏乃誰子頡頏作氣厲叫呼羣庸洵洵  
助聲勢睥睨凌我要我酷歸來嘆息無自得兩日纔致酒

一壺徵多償少意不愜棄我忽去如逃遁重來聞寂不可  
問依舊四壁編空蘆嗟予雖貧日猶費可不善爲益釜謨  
外戶不閉古則爾今也盜賊通街衢乞錢買籬作藩固更  
學關鍵防朝晡鄰翁問我乃何者得無亦以自名儒王朝  
潭潭聚冠蓋幾人不載卿相車子何布被不蓋肉浪自名  
士實則奴假爲無能等編戶猶可自擇安閭閻胡爲慘戚  
卒因此去矣何屋不可徂此居卑注不待說四高中下流  
無渠夏霖連延久積注往往竈下秋生魚始來圖此不自  
擇終見坐與蚯蚓俱何況梁榱日蛀腐一仆非爾力可扶  
苟求暫安急且夕反以身就殞壓虞迺知窮則失自愛成  
得正命有幾且翁乎爾言誠得矣我方困甚非真愚

送李公安赴舉

行子冠上塵梁宋道傍土塵逐冠弊捐人來還復去馬蹄  
日月長踏盡西北路近日何紛紛姿狀頗秀舉傳言天子  
詔士得四方赴來如鵲翅翻去若蠅頭聚市兒屈指計過  
百日未暮昔周方盛時得士纔十數唐虞此爲盛中復容  
女婦昔何稱才難今也寧異趣但恐所取異今古殊尺度  
夫君乃高才久有及物慮今又奮絕去挺拔欲自樹余窮  
非所知久有山林素但無百畝粟乃就羣才賦仕道得亦  
嗟困窮失爲懼二者各有命子亦何所與

離高郵答謝朱元弼兼簡崔伯易

昔來何悠悠今去亦泛泛豈自果進退姑且便飲啗三代  
去今遼士食久已濫徒歎不爲義可無苟石擔平生墮百  
爲且就役鈔槩束身入世程開口就人歉怒喜有失得眉

廣陵詩錄 二十一  
馳煩窺瞰野鳥或在籠山猿有終檻能安此爲命雖失亦  
何一作憾予嘗勇自明磨古得前鑑抱關賢所容較獵聖  
或暫庶未負初學尚爲神所監予行人之嗟我笑不爲領  
子獨辱所厚以詩繫歸纜命和始自書狂言庶非僂

山陽思歸書寄女兒

淮風晴舒舒楚水日夜流風能駕吾帆水可載我舟余歸  
知幾時子望懸百憂念我兄弟寡商參各殊州十年不一  
逢會合何所由幸逢子來歸與我相慰投甥兒入吾牽甥  
女出我留子吾笑其間貧不知可愁心如熙春陽樂若醉  
九酬憶我別子日將行更逗留泣恐傷子心淚出仰目收  
別日纔幾時別思日九秋心隨西北風日望東南樓主人  
仁且賢憐我羈旅游晨粳玉炊香暮酒金注甌盤蔬羅春

青豆脯兼夕鱸爲食豈不美義咽不下喉要當歸子同牛  
菽飽亦優始予志所學義當望軻丘竭來與世評衆口忽  
起咻嘗觀世金朱此道久已偷胡爲不奮去附世如贅疣  
而子亦待人特以貧不謀參差兩如此偃蹇勢略侔要當  
其引去逸出世網罟遐追避世徒子與侍巾裘吾將亦娶  
婦力以石臼求買田結歸廬種樹屋四周子居課桑蠶我  
出鞭耕牛教妻績以筐使兒餉來疇坐笑忘歲時聚首成  
白頭歸乎當何時詩以侑子謳

大舟

大舟無風帆不舉小舟榜入青冥去舟中漁子呼且歌夜  
半鬪魚誰得多

望花有感

春來幾時余不知但怪日日柳稍好我嗟無地自種花常  
恐東風只生草誰家有園不可入時時縱足信自到寒梅  
最香落已闌桃杏雖遲亦顛倒高枝飛鳥夜踏空低樹狂  
兒日摧拗惟餘零落滿地紅主人更聽奴頻掃歸來四顧  
慷慨歌要且傾酒澆顏酡春歸欲挽誰有力河濁雖泣庸  
奈何

餓者行

雨雪不止泥路迂馬倒伏地人下扶居者不出行者止一作  
返午市不合人空衢道中獨行乃誰子餓者負席緣門呼  
高門飲食豈無棄願從犬馬求其餘耳聞門開身就拜拜  
伏不起呵羣奴喉乾無聲哭無淚引杖去此他何如路旁  
少年無所語歸視紙上還長吁

暨陽居二首

出無王事牽入不治居金蒿藜入墻屋塵垢變几架糟糠  
苟無憂智力取自暇逢詩卽廢日得客輒忘夜積懶遂成  
性習勤反如詐幾不類怠傲愧耻將何謝

身非爵與官車馬久不謀家無田倉儲雀鼠非我仇朝出  
從人居詩書講前修暮從兒子嬉歡笑何所憂閑將筋力  
疲懶使志慮收斗稱尚煩送誰謂能無求

謝客二首

擾擾車馬客各以勢利奔自問問巷人何爲亦紛紛與客  
成往還勉就俗所敦禮不經聖人頗厭後世煩欲問無所  
得歸視紙上文以非孔子心尚拜陽貨豚乃知偏仄間心  
跡久已安去矣可奈何更問來者門

躑躑出何爲奄奄歸就卧不知身所謀徒與俗相和本無  
聲利求一作營久厭車馬過詩書雖滿前奔走不暇坐收身  
衣食餘抱病歲月破得不勝所忘進亦何可課前躅一作奔  
難躋下愚旋易墮得勢有然爾命矣何可奈一作非

春游

春風誰相呼鳥語到庭戶罷書起何游一作往繫馬城西樹  
寧須客衆隨聊與春相遇高林美風竹疎影有清覆可以  
便行坐解脫快巾屨日長天地寬飄戾飛雲度風枝綠未  
柔一作舒日萼紅先露芳辰信可尚嘉興惜無寓舊聞黃公  
壚一作履頗一作枉壯士顧予雖輕數子自適偶同趣起解身上  
衣就貰青旗酷獨酌不待勸興至還自注對物無所語似  
若喧譁惡雖無歌舞歡幸可篇章賦乾坤本閑暇人物自

紛遽勞生曷不樂歲月失已屢酒闌起四望落日不可駐  
饑馬自知家何須問歸路

送曹杜赴試禮部

霜風琅琅鳴鼓輦鳥寒夜噪樹折枝居者不出行者歸旣  
馬解銜車棄脂長河夜水船就維百賈晏起朝閉扉爲問  
當今行者誰出門千里到何時母送拊背父嘆嘻兒惜欲  
去哭挽衣上馬反顧紛涕洟非所願欲去何爲家雖有田  
豐歲稀所得償公不及私况望羶腥事庭闈結髮從學今  
十暮始自有志狗孔姬豈願從世成依違高堂華髮紆素  
絲暮年待子爲光輝望我日久莫報之苟得一笑辱弗辭  
况望舊作得三釜家無飢吾子二子久所知怪其才高所就  
卑今乃語此誠可悲近聞天子變典爨欲撥舊冗收新奇

子行出仕適其期驛驢得路無銜羈罷酒行矣無自遲去  
取天寵酬親慈

野步

久嬰末俗喧脫就綠野靜方求巾屨便那暇賓客命林紅  
落春衰草舊本作桑綠爭夏盛時從老農語久佇行子聽謂言  
勞苦後各以閑暇慶時逢瓶盎沽亦有肴核稱喧嘲忽無  
次歌唱仍相詠酒闌紛起坐白髮忽一作或兩凭兒乘旁樹  
嬉牛卧前籬暝予方困俗累愛此近天性何當從之歸買  
舍與相並

古風

古風何寥疎世方盛夸慕利塗劇先趨直軌迷曲駐渾渾  
九河翻仡仡百川注分爭或多岐斂枕纔一趣睢盱承至  
歡龍言疊謝絕怒財得升斗多勉售形骸雇不知萬鐘得孰  
與一日裕况承丘山羞願易頃刻遇誰能脫近役自放就  
遐鶩航湖足菱魚拔野厭芘茹行招千古游坐與來世語  
延風敞虛襟揖月坐嘉樹此意固有然童兒未堪預

旅次寄寶覺訥師

小雨破宿暑曉風忽焉道山深樹翳陰蜩蝻應已秋清坐  
想高絕語言誰應酬豈不念一往抱病終自留羈旅少往  
還有來或非儔命僕一謝之縱我冠屨休移牀上高堂解  
書散牀頭于此有嘉興念世誰與謀獨思山林人茲意可  
綢繆何當買田盧共遂丘壑游

寄呂惠卿吉甫兼簡林伯通

跋跋門外馬客至知謂一作爲誰昔面尚未逢那論心相知

揖客拜上堂一作拜客謝客辱弗遺寒暑相問酬唯諾坐  
無爲靜默近尤怨多言足瑕疵勉從客所論還顧所學非  
念此廢無益對書坐長嘻一作爲此嘆無益廢書坐長嘻獨思同懷子念  
遠莫見之豈無寄我書歲晚得苦遲聞頗困王事豈無閑  
暇時况有同僚賢相期在詩書人生天地間常苦食所糜  
去就兩莫謀會合寧有期余病不自樂舊學益以墮近者  
非所同遠者勞夢思江水日夕東流空宛而夷寄書當在  
勤無謂還往稀

答逢原

呂惠卿

晨出趨長司跪坐與之言偶然脫齟齬相送顏色溫歸  
舍未休鞍簿書隨滿門相仍賓客過歛午僅朝餐平生  
性懶惰應接非吾真况乃重戕賊良氣能幾存就夜甫

得息閱我几上文開卷未及讀睡思已昏昏自知小人  
歸昭昭復何云每于清夜夢多見夫子魂側耳聽高議  
如飲黃金樽覺來不得往欲飛無羽翰昨日得子詩我  
心子先論怪我書苦遲友道宜所敦豈不且夕思實苦  
案牘繁豈無同官賢未免走與奔相見鞅掌間有言無  
暇陳嗟嗟茲世士無食同所患念我力難任聞子謀更  
艱久知爲之天安能怨窶貧吾聞君子仕行義而已焉  
亦將達吾義肯遂爲利率東海有滄溟西極有崑崙古  
來到者誰不過數子尊子已具車航吾亦爲檝輪欲一  
從子游不知何時然

寄崔伯易

擾擾閭巷士過我何所爲屢來徒我煩不來我弗思少年



廣陵詩金 二十六  
樂知聞喜與客子隨晚歲事恬默與世益參差騎馬出尋  
人中路輒自歸歸來亦何樂書史自相期已與往者親可  
無茲世違欲語無所得起視北雁飛念子遠千里昔別今  
已暮寄聲雖云多所得竟亦稀近者忽報書期我往就之  
不知予苦窮繫此不可離尚迫朝暮憂寧有道路資人生  
少所同老去纔幾時予勢旣若此子復不官來但恐百年  
間齟齬終莫齊詩以寄子招亦以寫我悲

寄孫莘老

默默不自得勞勞非所任不與君子逢誰復明此心偶客  
來自南口有千里音知無木索勤頗復山水吟對之爲一  
笑欣如獲千金宣城風物佳古語昔已忱太平又其右道  
塗邈幽深溪流渺彎環山勢屹抱臨况復寂寞人黃綬事

陸沈公田稗旣收客席酒屢斟悔予昔南浮不往一就尋  
波濤忘日月疾病廢古今歸來就羈銜外慮日已侵適時  
愧非才對客輒自瘖譬如炙膚暫忍久莫禁唯思百畝  
田爲可足釜鬻投身脫世箴斂足蹈古箴寄言所同懷相  
期在中林

夏日平居奉寄崔伯易兼簡朱元弼

天風變春和晝日差夏永門關閉無事燕雀去益靜紛翻  
詩書帙葉散懶收整時來就枕卧復可取窺省心恬逐物  
閑迹澗與世屏鮮鮮南山暖秀色上脩嶺苟嫌安坐慵還  
可遠游騁自緣智能薄反得閑暇幸交朋久相遠疎懶欲  
誰警

懶懶庭下樹陰影日已敷癰癰閉門人簟席自卷舒高枝

就懸冠曲枝挂裳裾作還來從此息卧視詩與書栢栢  
門外客 從駕驪駒不知來何聞一作乃官顧我問呼兒  
往應門謂言出在途非我敢厭客非客與我疎以予拙語  
言無以得客娛一不當客意恐與世患俱不如兩相忘何  
能効紛如

送朱明之昌叔赴尉山陽

朱侯拜書天上回去以身試百里障青衫飄若風外荷借  
馬載出塵土上準眉嶄嶄見天秀如立繫馬萬里望身無  
雖小曾腹寬沛如絕海橫秋漲久宜脫絕事高致豈願卑  
冗勞俗狀高堂華髮親老矣四海無家寄几杖世外言高  
信獨奇人前腰折嗟已強尉官雖小俸雖薄猶有餘錢買  
甘養想當家帷奉顏面絲衣躬率婦子餉說說兒女戲滿  
前累累諸兄坐相向人間此樂不可幸一笑自足百辱當  
時清固應稀盜賊俗弊寧不煩答掠好偷閑暇事簡編思  
我寧無文字况

學子

瑣瑣來學子從我問古風謂一作言古之人學不求世功  
以其明智餘施與天下同能知學為身自不恤窮通童子  
顧我笑是言得無蒙斯道使可遵曾不聞父翁謂言童子  
歸盍自謀厥躬吾不能爾言一作吾能亦不必爾從

寄滿子權

昔心何悠悠今學益漫漫恭如浮江河浩不際涯岸生雖  
樂文字勤不償几案重編空堆塵折簡久枯汗徒如陳市  
肆表列環四畔已無探討勤胡可賢否按零丁晚觀玄泯

滅舊習象得指來歲期失忘去日算嘗聞勤惰間已是愚  
知判蒙羞欲何顏避耻愧無翰不能繩已怠何力禁人叛  
文章觸世嫌議語限客竄時牽好惡卑俗撓是非亂早衰  
奪舊剛多病襲新懦心經衣食難事廢米鹽半何謀脫身  
去割跡與俗斷耕荒食新收鑿室復舊貫念生如冬水至  
灰僅春泮其間能幾時何恃苦自緩翩翩淮南英顯顯士  
林觀方子未爲遊辱子昔同閉篇章覲新華論說聽橫捍  
包奇晚自走去實王府玩近書何相撩頗以名見謾不知  
老者拙棄此久已斷方勇自樹解纜縱新驛行期拾春  
青采綬縮歸腕乖離思舊歡遷徙就新絆無琴雖自歌有  
酒欲誰伴閑暇當寄詩持此資賀換

暑旱苦熱

清風無力屠得熱落日着翅飛上山人固已懼江海竭天  
豈不惜河漢乾崑崙之高有積雪蓬萊之遠常遺寒不能  
手提天下往何忍身去游其間

寄王正叔

微生不過人氣力兩眇麼力學失自謀徑古趨今左病世  
相陷賊樹性期剛果豈不中是時然亦未嘗過奈何衆好  
殊未語咻已夥悵悵獨何之去去銳亦挫忠言不售耳直  
面屢得唾怒目瞋以環謗口焰而火出門先自羞有衣恍  
疑裸過市不成步侶距侔鼈跛周旋不出扉迷若蟻循磨  
人惡固爲甚自厭近亦頗媚世定有術欲學從誰可必也  
泥自售恐由此始禍賢子遠相問幸有以教我得報速是  
宜翹企不容坐

雜詩效孫莘老

魚鰕無所能動輒因人得蛟鯨能則垂覆舟取人食龜鼈  
雖謂殊剝剝同一劇龍不入網羅亦不為人識  
犬羊養於人壯則人食之猛虎嗜人肉終昧獵者機豺狼  
與狗同為害豈必威封狐能為人還作行子妻

雜詩呈逢原

孫覺

鴻鴈最知時未逃羅與網不能忘稻梁千里安得往鳴  
蝸腹空虛見啄因其響丹鳳穴九霄虞人常夢想

呼雞

雞呼雞來前犬吠犬至止夫豈必可召役以食乃爾今吾  
曷為悲人而雞犬為自計無自存西山謝夷齊

姚堅老見約偶成

初正布新和餘臘爭近候升騰陽力微惟怯老陰鬪江雲

蕩空碧

一作疎朝

雨沐清晝林稍釋冬枯土蘖壯春蔕

萎蕤風日舒刻畫山野秀關關先春鳥格磔弄晴味無人  
與調和終日自嘲詬唯君卜近適過我許來就遷延日屢  
蹉嘆惜月復穀人生誠多故世事那可究唯當自推置障  
絕俗慮寇休閑倘能偷疎懶當自省徒行苟憚勞借馬欲  
誰厩清醕如定攜佳客可先購勉之無使遲梅萼已堪餽

初聞思歸鳥憶昨寄崔伯易朱元弼

去年春日花盛開嘗有鳥啼歸去來余詩告爾東海志子  
笑屬我南山杯將希遐躅蹈高軼就拔去跡離俗埋同時  
游者最誰上朱子峭擢凌春材門關午景卧正懶過我呼  
號如春雷鄰驚偷窺婦女怪婢駭奔一作棄走兒童哈門開

納坐聽論列笑口侈哆傾胃懷寒菹半菽要同飢齏醬叫  
乞喧鄰隈僧從南浮橐異角尉解西去亭遺臺心爭誇漫  
詰蜒蜿目樂虛豁留崔嵬柳稍黤黤空晴絮杏花爍爍翻  
遺埃春湖平渟照空碧淮帆曉上攙天桅西歸頗阨窮餓  
久南泛未免丐乞哀竭來隨人事早折忽自顧影漸低摧  
平時客坐不敢語苟以唯諾償嫌猜胷中約結浩千萬到  
口不吐如橫枚比來頗自撥俗礙日傍竹樹良徘徊昏昏  
萬事置不省知已疎懶心難裁一聞春風動啼鳥猛若重  
睡忽喚回咨嗟歲月急若失嘆息無地安蒿萊比于見人  
日加懶行恐合俗老益乖不知飄浮寄茲世竟亦何計收  
形骸春林沾沾風日好飛止自便宜爾諧何爲猶道歸不  
得世間萬事真悠哉

思京口戲周器之

江南別日醉方醺貪愛青天帶水痕忘却碧山歸路直誤  
投浮世俗塵昏終期散髮江邊釣當有漁舟日繫門但恨  
故人猶喜仕他時胷腹未堪論

寄東伯仁

身逐南舟去不廻匡廬留滯得裴回峰頭夜宿平看斗巖  
下朝陰俯聽雷西顧波濤浮日月東歸天地入塵埃何時  
得遂幽棲志常把韋編靜處開

對花

憂愁卒卒人無樂花草紛紛物又春安得無憂與無慮對  
花還作笑歌人

春遊

春城兒女縱春遊醉倚層臺笑上樓滿眼落花多少意若何無箇解春愁

春晚雨後

東風柔弱事春權劇雨無端轉愴然不惜好花都委地却令遠草直平天龍蛇久蟄應思奮蛙蝮乘時已自先綠柳由來却堪笑葉眉愁劇遂長眠

紙鳶

誰作輕鳶壯遠觀似嫌飛未多端纜乘一線憑風去便有愚兒仰面看未必碧霄因可到偶能終日遂爲安扶搖不起滄溟遠笑殺搏鵬似爾難

古鑑

一片靈光合有神不知鎔鑄竟何人春耕破冢衣冠盡鬼手摩天日月新鑑面祇知西子姣照心難見比干真主人  
溪有收藏意當待清明不受塵

和東熙之雨後

獵獵風吹雨氣腥誰翻碧海踏天傾如何農畝三時望只得官蛙一餉鳴何處斷虹殘冷落有時斜照斲分明雷車收轍雲藏跡依舊晴空萬里平

幽居感懷寄滿子權

卜得幽居四絕鄰尋常庭巷斷蹄輪門前犬豕卧橫道城上牛羊下視人滿眼夕陽閉草樹回頭歸路正埃塵思君未見東來計何日雙眉對面伸

秋懷寄呈子權先示微之兼簡孝先熙之

樹哭寒蛸草哭蟲何堪羈客憤時窮卒無可樂羣書外百

六廣陽詩金  
三十一  
不堪言一嘆中雲黯暮天沉白日土塵平地斷清風夫君  
若問秋來况淚滿遺編髮亂鬢

九日寄滿子權

懶將衰病照清流爲有歸心欲白頭幸自好花開便笑不  
甘爲客見成愁長歌欲強秋風醉高處先輸俗子遊我在  
無聊元亮死當年今日共悠悠

次韻子權京口夜宿見寄

寒江漠漠客帆稀獨泊扁舟望翠微已寫綠醺聊自適更  
邀白鳥共忘機水閑海月寒初上樹盡秋城碧自圍嗟我  
相思邈千里不來同此雨忘歸

答孫莘老見寄

高門鞍馬日光榮勢力紛紛起共爭偶以不能聊自便敢

于茲世獨求清生無人愧寧非樂死有天知豈待名客食  
官居同是苟何須稱別異平生

登郡樓

江城朝雨濕晴煙樓上風帆送去船苟得息肩閑歲月時  
來開口笑山川田園啼鳥三春日江海扁舟萬里天何計  
脫身來此老青山白髮兩忘年

感憤

二十男兒面似冰出門噓氣五蜺橫未甘身世成虛老待  
見天心却太平狂去詩渾誇俗句醉餘歌有過人聲燕然  
未勒 在不信吾無萬古名

登瓜洲迎波亭

海面清風萬里寬偶來如已脫塵關自嗟客世無虛日却

被斜陽占盡山海島不來青嶂靜漁師歸去暮江閑從來  
雲水有期約直待功成是厚顏

憶潤州葛使君

六朝遊觀委蒿蓬想像當時事已空一作清談事竟空半夜樓臺  
橫海日萬家簫鼓過江風金山寺近塵埃絕鐵甕城深一作  
高氣象雄欲放船隨明月去應留閑暇待詩翁

何處難忘酒

何處難忘酒窮才世不知出門無直道開口礙當時白髮  
無端速青山不忍歸此時無一盞何以活餘黎

庭草

平時已多病春至更蹉跎惡土種花少東風生草多客愁  
渾寄淚野思不堪歌獨有詩心在時時一自哦

秋日寄滿子權

樓前暮靄暗平林樓上人愁意思淡未必薄雲能作雨從  
來秋日自多陰三年客夢迷歸路一夜西風老壯心欲作  
新聲寄遺恨直絃先斷淚盈琴

江上

羃羃荒城沒遠煙暮雲歸族忽相連春江流水出天外晚  
渡歸舟下日邊杏萼春深翻淺纈柳花風遠聚晴綿無錢  
買得江頭樹輸與漁人繫釣船

送聲隅黃先生

黃風吹土截天橫瘦馬着鞭驅不行尚說苦心酌直道誰  
知白髮爲蒼生平時恬忠蓋常日公卿足仰成雖有  
英雄無用處却令老去買牛耕



寄介甫

天門簾陛鬱巍巍勢利寧無澹泊譏難與跡徒爭有道好  
思吾黨共言歸古人踽踽今何取天下滔滔昔已非終見  
乘槎去滄海好留餘地許相依

寄滿子權

窗前午枕夢忘還門外清風晝掩關天下誰當千古後牀  
頭自笑六經開能將道繫窮通裏安用身干進退間自愧  
公心猶有蔽清時無日不思山

寄都下二三子失舉

攻學齏鹽共苦辛寒窓筆硯日相親梁王臺畔一分袂楊  
子江頭三換春篋裏黃金須買酒鬢邊白髮解欺人窮通  
得喪誰能定况是男兒有此身

次韻滿子權見寄

當世雄圖不可懷退居蒿艾自沉埋門無來足荆生道病  
不能鋤草上階自是直方違世易况將疎懶令人乖無由  
與子同樵種回首平林浪可柴

病中

十日身無一日寧病源知向百憂生寒侵騏驥應方瘦蠹  
滿榭楠豈易榮小閣晝閑書帙亂畫堂風靜藥羅聲北山  
扶杖終歸去寄語巖猿莫曉驚

金山寺

萬頃清江浸碧瀾乾坤都向此中寬樓臺影落魚龍駭鐘  
磬聲來水石寒日暮海門飛白鳥潮回瓜步見黃灘常時  
戶外風波惡祇得高僧靜處看

登甘露寺閣

忽忽勞生歲月催時偷高迹出浮埃風沾草樹紅朝動春  
入川原綠夜回欲出壯懷臨八極可無樽酒到高臺江山  
不與人相語似待忘言野客來

謝張和仲惠寶雲茶

故人有意真憐我靈蔴封題寄華門與療文園消渴病還  
招楚客獨醒魂烹來似帶吳雲脚摘處應無穀雨痕果官  
同嘗竹林下寒泉猶有惠山存

太湖

西南無盡望吞恐罄吳郊海近私憑蓄天低不敢包蛟龍  
宜自宅蟻蛭莫令巢遠浦纔分點歸檣略認稍水乘潮更  
濶地過底宜坳島截煙維斷風凌浪脊交大橋橫作畫別  
岸缺成爻吟恐詩無氣圖憂筆費鈔歸輸范蠡得官許李  
膺拋去憶心應繫歸誇口定饒窮何須蹈海來好卜編茅  
書戶生同隱居民釣自庖滄浪未容濯魚樵夜停敲

昔可坐同觀外只逢自感然未容鄙魚鱗豈得錦

豐此去謝心慙變韻藉口玄驚泉何能罷感來我小蘇某

草地知交不怨精兼旅圖憂筆費途讓舖或益野官指率

